

Ilinniarnertuunngorniartarnej pillugu Inatsisartut inatsisaat nr. 13, 22. november 2011-meersoq

Kapitali 1

Ilinniarnertup siunertaa

§ 1. Ilinniarnertuunngorniarluni ilinniagaq tassaavoq ilinniagaqalernissamut piareersaataasumik aamma nalinginnaasumik peroriartuutaasumik ilinniagaq. Ilinniarneq ukiunik 3-nik sivisussuseqarpoq, taamaattoq tak. §§ 40-42. Ilinniagaq saaffiginnippoq inunnut ilisimasaqarnermik, itisilerinermik, ungavarluni isiginneriaaseqarnermik takorluuisinnaanermillu soqutigisaqartunut, annermillu annertusisamik ilinniagaqarnissaq siunertaralugu. Ilinniagaq ataasiuvoq nunamilu piunasaqaataasut malillugit soraarummeernermik inaarneqassalluni (ilinniarnertuutut soraarummeerneq).

Imm. 2. Ilinniarnertuutut soraarummeerneq Kalaallit Nunaanni, Danmarkimi nunanilu allani annertusisamik ilinnialissutaasinnaavoq tamanna pillugu malittarisassat aalajangersarneqartut naapertorlugit.

Imm. 3. Ilinniarnertuunngorniarluni ingerlatsinerit immikkut ittut, Kalaallit Nunaanni Danmarkimilu ingerlaqqiffiusumik ilinniakkani sivikinnerusuni akunnattumillu sivisussusilinni ilinnialissutaasinnaasut pillugit Naalakkersuisut malittarisassanik aalajangersaasinnaapput, tamanna pillugu malittarisassat aalajangersarneqartut naapertorlugit.

Imm. 4. Ilinniartut ilinniarnertuunngorniarluni ilinniakkamik naammassisaqartut, kingusinnerusukkut ingerlaqqiffiusumik ilinniakkamik aalajangersimasumik aallartinnissaannut naammassinissaannullu naammattumik piginnaasaqalernissaat siunertaralugu ilassutaasumik ilinniartitsinerit pilersinneqarsinnaapput. Naalakkersuisut ilinniarnertuunngorniartarfimmi ilassutaasumik ilinniartitsinerit pillugit erseqqinnerusunik malittarisassaliussapput, ilinniarnertuunngorniartarfinni ataasiakkaani pikkorissarnerit pineqartut inissinnissaat ilanngullugu.

§ 2. Ilinniarnertup ilinniagaqalernissamut piareersaataanerata siunertaraa ilinniartut annertusisamik ilinniagaqalernissamut piareersarnissaat, tamatumunnga ilanngullugit ilinniakkap ilisimasariaqartutigut atitussusia itisileriffiuneralu aamma atuartitsissutit imminnut ataqatigiinneri aqqutigalugit ilisimasaqalerlutillu piginnaasaqalernissaat.

Imm. 2. Ilinniartut ilinniarnertup ilikkagassatigut aamma perorsaanikkut inerikkiartornera aqqutigalugu, ilikkagassatigut paasisaqarnej ilinnialernissamullu piginnaasaqarnej inerisassavaat. Suleriaatsit assigiinngitsut atornissaat aamma ilinniartutut avatangiiseqarluni sulisinnaaneq ilikkassavaat, nammineersinnaanermik, suleqatiginnissinnaanermik ilisimasanillu ujarlersinnaanermik piginnaasaqarnissamik piunasaqaatit qitiutinneqarfianni.

§ 3. Ilinniagaq peroriartuutaasussanik ilaqartinneqassaaq, ilinniartut inuttut oqartussaalernissaannik inerisaanissaq pingaartillugu. Taamaammat ilinniartut avatangiiserisaminnut: inoqatiminnut, pinngortitamut inuiaqatigiinnullu, kiisalu ineriatornerminnut eqqarsaatigilluakkamik akisussaasumillu pissuseqarfiginnissinnaanissaq ilinniassavaat. Aammattaaq ilinniakkap ilinniartut pilersitsisinnaanerata

nassaarniarsinnaanerallu aamma isummersorsinnaassusiat inerisassavai.

Imm. 2. Ilinniarnertup ilinniarsiullu ilusiligaanerisa ataatsimut ilinniartut inuiaqatigiinni kiffaanngissuseqartuni tamallu oqartussaaqataanerata naapertorlugu aquataasuni aalajangeeqataanissamut, akisussaaqataanissamut, pisinnaatitaaffeqarnermut pisussaatitaaffinnullu piareersassavai. Taamaammat ilinniartitsinerup ilinniarnertuunngorniarsiullu ulluinnarni inuunerisaata tamarmi tunngavigisariaqarpai anersaakkut kiffaanngissuseqarneq, naligiissuseq demokratiilu. Tamatumuunakkut ilinniartut inuiaqatigiinni demokratiskiusuni peqataalluarnissamut piginnaaneqalersinneqassapput aamma inuttut kisimiilluni ataatsimoorlunilu ineriartornermut allannguinerimullu periarfissanik paasinnissallutik, kiisalu eqqaamiorisani nunarsuarlu tamakkerlugu isiginneriaaseqarnermik paasinnissallutik.

Imm. 3. Ilinniartut ilinniarnertik aqqutigalugu Kalaallit Nunaata oqaluttuarisaanikkut, kulturikkut, inooqatigiissutsikkut, teknikkikkut aningaasaqarnikkullu ineriartornera paasisaqarfigalugulu ilisimasaqarfigilissavaat.

Kapitali 2

Neqerooruteqarneq, inissanik aqutsineq, ilinniartunngorsinnaaneq ilinniarnertuunngortitsinerlu

Neqerooruteqarneq inissanillu aqutsineq

§ 4. Ilinniarnertuunngorniarsiluni ilinniagaq ilinniarsiinnu siunertamut Naalakkersuisunit pilersinneqartuni imaluunniit akuerineqartuni neqeroorutigineqassaaq. Ilinniarsiit ilinniarnertuunngorniarsiluni ilinniakkamik neqeroortussatut pilersinneqartut inatsimmi matumani taaneqarput ilinniarnertuunngorniarsiinnu. Ilinniarsiit ilinniarnertuunngorniarsiluni ilinniakkamik neqeroornissamut akuerisaasut inatsimmi matumani taaneqarput ilinniarsiit akuerisaasut. Ilinniarnertuunngorniarsiit aamma ilinniarsiit akuerisaasut ataatsimut inatsimmi matumani taaneqarput ilinniarnertuunngorniarsiit.

§ 5. Naalakkersuisut ilinniarnertuunngorniarnertumut ilinniartunullu inissiaqarnikkut inissat ima amerlatigisut qularnaassavaat, qinnuteqartut § 8, imm. 1 naapertorlugu ilinniartunngornissamut piumasaaqatiniq piviusunngortitsisut tamarmik ilinniartunngorsinnaatillugit. Aammattaaq Naalakkersuisut anguniassavaat ilinniarnertuunngorniarsiit ilinniartunullu inissiat ima amerlatiginissaat, qinnuteqartut ilinniartunngorniarsiluni misilitsinnermi angusisut tamarmik, tak. § 9, imm. 1, aamma qinnuteqartut immikkut akuerisaallutik ilinniartunngortinneqarumasut, tak. § 8, imm. 2, ilinniartunngortinneqarsinnaallutik ilinniarnertuunngorniarsilunilu ilinniagaq naammassisinnaallugu

Imm. 2. Naalakkersuisut ilinniarnertuunngorniarsiinnu ataatsimut amerlanernulluunniit naleqqiullugu inissanik killiliisinnaapput inissat tamarmiusut siunertamut naapertuuttumik atorneqarnissaat siunertaralugu.

§ 6. Ilinniarnertuunngorniarsiluni ilinniakkami ilinniartitsineq klassinut holdinullu agguaassilluni aaqqissugaassaaq.

Imm. 2. Naalakkersuisut klassimi holdimilu ataatsimi ilinniartut amerlanerpaaffissaat pillugu malittarisassanik aalajangersaassapput, taamatullu klassiliortoqassappat holdiliortoqarluniluunniit ilinniartut amerlassusissaat aalajangersaaffigissallugu.

Ilinniartunngorsinnaaneq aamma ilinniartunngortitsineq

§ 7. Ilinniarnertuunngorniarluni ilinniagaq ammavoq kikkunnt tamanut, piffissap qinnuteqarfiup nalaani Kalaallit Nunaanni najugaqartunut, taammaattoq tak. imm. 2 aamma 3.

Imm. 2. Qinnuteqartut siusinnerusukkut Kalaallit Nunaanni najugaqareersimasut, ilinniarnertuunngorniarluni ilinniakkamut qinnuteqarnermut naleqqiullugu Kalaallit Nunaanni najugaqavissutut isigineqassapput, Kalaallit Nunaata avataaniinnerat Kalaallit Nunaanni oqartussaasut peqataaffigisaannik isumagineqarnermik imaluunniit ilinniarnermik peqquteqarpat.

Imm. 3. Ilinniarnertuunngorniarluni ilinniagaq qinnuteqartunut Kalaallit Nunaanni najugaqavissuunngitsunut ammavoq, taakku nunat tamat akornanni isumaqatigiissutaasut, Kalaallit Nunaanni atuuttut, naapertorlugit Kalaallit Nunaannit qinnuteqartut assigalugit ilinniartunngorsinnaatitaappata.

§ 8. Qinnuteqartut ilinniarnertuunngorniarfimmi ilinnialernissamut naleqqiullugu ukiut kingulliit marluk ingerlaneranni meeqqat atuarfianni naammassisut imaluunniit meeqqat atuarfianni atuartitsinnermut nalinginnaasumik piumasaqaataasunut nallersuussinnaasumik atuartinneqarsimasut, ilinniarnertuunngorniarlutik ilinnialersinnaapput, qinnuteqartumit makku anguneqarsimappata:

- 1) Greenlandic Grading System-skala naapertorlugu minnerpaamik karakteri E aalajangersimasumik qulequtsiilluni suliasami anguneqarsimappat,
- 2) Greenlandic Grading System-skala naapertorlugu minnerpaamik karakteri E inaarutaasumik pinngitsoorani misilitsiffiusussani tamani anguneqarsimappat aamma
- 3) Greenlandic Grading System-skala naapertorlugu 10. klassimi killiffimmi karakterini tamani E anguneqarsimappat.

Imm. 2. Rektori imm. 1, nr. 2 aamma 3-mi piumasaqaatinik sanioqqutitsinissamut akuersisinnaavoq, qinnuteqartup misilitsinnerit imaluunniit killiffimmi karakterit ikittunnguit ilaanni E ataassimappagu, rektorillu nalilerpagu qinnuteqartup ataatsimut pisinnaasai ilinniarnertuunngorniarluni ilinniakkap naammassinissaanut naammattut.

Imm. 3. Naalakkersuisut qinnuteqartup imm. 1-imi piumasaqaatinut naleqqiullugu ilinniakkatigut pisinnaasaasa nalilernissaat siunertaralugu, karakterilersueriaatsit Greenlandic Grading System-skalamit allaanerisut sanilliunneqarsinnaanngorlugit naatsorsornissaat pillugit malittarisassanik aalajangersaasinnaapput.

Imm. 4. Naalakkersuisut imm. 1-imi piumasaqaatit qinnuteqartunut nunanit allaneersunut atatillugu sanioqqunneqarnissaat pillugu malittarisassanik aalajangersaassapput.

§ 9. Qinnuteqartut § 8, imm. 1-imi piumasaqaatinik piviusunngortitsinngitsut misilitsinnikkut Naalakkersuisunit suliarineqarlunilu nalilernerqartukkut ilinniartunngorumallutik qinnuteqarsinnaapput. Misilitsinnerup siunertaraa, qinnuteqartup ilinniartitsinnermik malinnaanissamut ilinniakkallu naammassinissaanut naammattumik ilinniakkatigut ilisimasaqassutsimik takutitsinissamut periarfissinnissaa.

Imm. 2. Inissaq pissutigalugu qinnuteqartut ilinniartunngorniarluni misilitsinnermi angusisut imaluunniit § 8, imm. 2 naapertorlugu immikkut akuersinikkut ilinniartunngortikkumasat tamarmik ilinniartunngortinnissaat ajornarpat, rektorip aalajangissavaa qinnuteqartut kikkut

ilinniartunngortinneqassanersut. Rektorip taamatut aalajngiinermini qinnuteqartup ilinniarnertuunngorniarnarluni ilinniakkamik naammassinninnissamut periarfissai ataatsimoortumik nalilersussavai. Qinnuteqartut ilinniarnertuunngorniarmimmi ilinniartunngortinneqanngitsut, inissaqassuseq apeqqutaatillugu ilinniarnertuunngorniarmimmi allami ilinnialernissaannik neqeroorfigineqassapput.

§ 10. Ilinniartuq tunngaviusumik ilinniagaq, tak. § 15, naammassereerlugulu, rektori isumaqatigisinnarlugu ukiut 2 angullugit ilinniarunnaarallartoq, semesterit aappaasa aallartinneranni ilinniarnertuunngorniarnini semesterimi tassani nangissinnaavaa, ilinniarnertuunngorniarmimmi ilinniartup ilinniarfigeriigaani imaluunniit ilinniarnertuunngorniarmimmi allami.

Imm. 2. Ilinniartup 1. G imaluunniit 2. G naammassereerlugit rektori isumaqatigisinnarlugu ukiut marluk angullugit ilinniakkaminik unitsitsigallartup, 2. G-p imaluunniit 3 G-p aallartinnerani ilinniarnertuunngorniarnini nangissinnaavaa ilinniarnertuunngorniarmimmi ilinniartup ilinniarfigeriigaani imaluunniit ilinniarnertuunngorniarmimmi allami.

§ 11. Qinnuteqartut ilinniarnertuunngorniarmimmi kommunimi qinnuteqarnermik nalaani aalajangersimasumik najugaqarfigisaminniittumi (kommuni angerlarsimaffik) ilinniartunngussapput, taamaattoq tak. imm. 2 aamma 3.

Imm. 2. Qinnuteqartut, ilinniarnertuunngorniarmimmi teknikkikkut imaluunniit niuernikkut sammivinnik neqerooruteqartumi ilinnialerumasut, ilinniarnertuunngorniarmimmi sammivimmik kissaatigisaminnik neqeroorutilimmi ilinniartunngortinneqassapput, taamaattoq tak. imm. 3.

Imm. 3. Naalackersuisut aalajangersinnaavaat qinnuteqartoq ilinniarnertuunngorniarmimmi imm. 1-imi aamma 2-mi pineqartuunngitsumi ilinniarnertuunngorniartutut aallartissinnaasoq, inissaqarnikkut imaluunniit suliamut atatillugu inuttulluunniit pissutsit immikkut ittut tamanna pisariaqartilerpassuk.

Imm. 4. Naalackersuisut qinnuteqartut ilinniarnertuunngorniarmimmi aalajangersimasumik ilinniakkatigut sammivilimmi ilinnialerumasut ilinniarfimmimmi taamaattumi ilinnialernissaat pillugu malittarisassanik aalajangersaasinnaapput.

§ 12. Ilinniartut illoqarfimmimmi ilinniarnertuunngorniarmimmik avataani najugaqartut, ilinniartunut inissiani assigisaanniluunnit inissaqarnissamik neqeroorfigineqassapput.

Imm. 2. Ilinniarnertuunngorniarmimmi ilinniartut ataasiakkaat ilinniartunut inissiani assigisaanniluunniit atugarissaassusiat nakkutigissavaa.

§ 13. Ilinniartut ilinniartunut inissiani assigisaanniluunniit najugaqartut nerisaqarnissamik imaluunniit nerisaqartitaanikkut aaqqissuussinermik neqeroorfigineqassapput.

Imm. 2. Ineqarnermut assigisaanullu, nerisaqarnermut imaluunniit nerisaqartitaanikkut aaqqissuussinermut akiliutissat pillugit malittarisassanik Naalackersuisut aalajangersaassapput.

§ 14. Naalackersuisut ilinniartut ilinniarnertuunngorniarmimmi ilinnialersinnaanerat pillugu malittarisassanik aalajangersaasinnaapput, tamatumunnga ilanngullugit inissat pillugit aalajangersakkat, qinnuteqarnermi periutsit, qinnuteqarnissamut piffissaliussat, agguaassinermi periutsit, ilinniartunut inissiat assigisaallu, ilinniartut ilinniartunut inissiani assigisaannilu najugaqartut nakkutiginerat, ilinniartunut inissiani assigisaannilu nerisaqarneq nerisaqartitaanikkullu aaqqissuussinerit, ilinnialernissamut misilitsinnerit, ilinniarnertuunngorniarnarup aallarteqqinnera unitsinneraluunniit,

immikkut aqqissuussamik ingerlatsinernut immikkullu ilusilikkamik ilinniartitsinernut ilinniartunngortarnerit aamma ilinniartunngortitsinermi sulianik naammagittaalliorneq.

Kapitali 3

Ilinniakkap aqqissugaanera imarisaalu

Ilusaa, atuartitsissutit piffissarlu ilinniartitsivik

§ 15. Ilinniagaq aqqissugaassaaq tunngaviusumik ilinniakkatut, ilinniartunut tamanit ataatsimoorunneqartutut, tamatumalu kingorna ilinniarnermi immikkut sammiveqarluni ingerlatsinertut, ilinniartunit ataasiakkaanit ingerlatsinernit ilinniarnertuunngorniarmi neqeroortugalugillu pilersitaasa akornannit toqqarneqartumik, tak. § 29. Tunngaviusumik ilinniarneq tassaavoq ilinniakkap semesteria siulleq. Immikkut sammiveqarluni ilinniagaq tassaavoq ilinniakkap semesteriisa aappaanniit arfernannut.

Imm. 2. Semesterit 1, 3 aamma 5 ukiup ilinniarfiusup aallartinneraniit 31. decemberimut ingerlasarput. Semesterit 2, 4 aamma 6 1. januarimiit ukiup ilinniarfiusup naaneranut ingerlasarput.

Imm. 3. Semester 1 aamma 2 taaneqartarpoq 1. G, semesteri 3 aamma 4 taaneqartarpoq 2. G semesterillu 5 aamma 6 taaneqartarlutik 3. G.

Imm. 4. Ilinniakkami ilinniartitsissutit tassaapput ilinniarnertuunngorniarmimmi ilinniartitsissutit killiffik C-mi, B-mi A-milu inissisimasut, A qaffasinneraalluni.

§ 16. Piffissaq ilinniartut atuarfissaat aalajangerneqassaaq ukiumoortumik tiimiliussat 60 minutsikkaartut tunngavigalugit.

Imm. 2. Ilinniakkap ataatsimut katillugit tiimii tassaapput tiimit 2225-2725-it, ilinniartup sammivittut ilinniartitsissutinillu toqqagassanit toqqagai apeqqutaallutik.

Imm. 3. Ilinniartut tiimii sapinngisamik ukiumi atuarfiusumi sapaatip-akunnerinut aamma sapaatip-akunnerisa atuarfiusut ulluinut naligiimmik agguanneqassapput.

§ 17. Ukioq ilinniarfiusoq aallartittarpoq 1. august 180-i 200-nut ulloqarluni, taakku sapaatip-akunnerata ulluinut siullernut 5-inut imaluunniit ulluinnarnut 6-inut tamanut (sapaatip-akunnera ilinniartitsiffiusoq) agguassimassapput.

Imm. 2. Pikkorissarnermut immikkut aqqissuussanut, ilinniartitsilluni ingerlatsinernut ilinniartitsissutinik arlariissitsiffiusunut, aalajangersimasumik qulequtsiilluni suliniuteqarluniluunniit ingerlatsinernut atatillugu ilinniarnertuunngorniarmi sapaatip-akunneranut ulluni 5-ini ilinniartitsisartup sapaatip-akunnerani ullut arfernat ullutut ilinniartitsiffittut ilanngussinnaavaa. Taama pisoqassappat, ilinniarnertuunngorniarmi ukiup ilinniartitsiffiusup aallartinnissaa sioqqullugu tamanna pillugu pilersaarut suliaralugulu tamanut saqqummiutissavaa.

Imm. 3. Ilinniartitsineq minnerpaamik sapaatip-akunnerisa 36-t annerpaamillu sapaatip-akunnerisa 40-t ingerlaneranni naammassineqassaaq.

Imm. 4. Ilinniarnertuunngorniarmi ukiup ilinniartitsiffiusup aallartinnerani sulinngiffeqarnissanut pilersaarutit suliarisassavaat tamanullu saqqummiullugit.

Imm. 5. Naalackersuisut sulinngiffeqarnissamut pilersaarutit sinaakutissaannik

aalajangersaasinnaapput.

Tungaviusumik ilinniagaq

§ 18. Tungaviusumik ilinniagaq tungaviusumik atuarfiup nanginneratut aaqqissuunneqassaaq. Tungaviusumik ilinniakkap ilinniartut ilinniagassanut tunngatillugu ilisimasaqalersissavai paasisaqtartillugillu aamma ilinniarnertuunngorniarfimmi suleriaatsinik paasisaqtartillugit, ilinniartorlu ilinniakkami sammivissaanik toqqaanissaanut naammassinninnissaanullu tunngavississallugu, kiisalu ilinniartup nalinginnaasumik peroriartornissaanut tunngaviussalluni.

§ 19. Tungaviusumik ilinniakkami ilinniartitsineq 425 tiiminik sivilissusseqarpoq.

§ 20. Tungaviusumik ilinniakkap imarivai ilinniartitsissutit imminnut ataqtigiittussat.

Imm. 2. Ilinniartitsissutissat makkuupput:

- 1) Kalaallit oqaasii.
- 2) Danskil oqaasii.
- 3) Tuluit oqaasii.
- 4) Matematikki.
- 5) Science.
- 6) Ilinniartitsissutit kulturimut tunngasut.
- 7) Ilinniarnermi periutsit.
- 8) Timersorneq.

§ 21. Naalackersuisut ilinniartitsissutit ataasiakkaat killiffinni assigiinngitsuni anguniagaat, imarisaat annertussusaallu pillugit malittarisassanik aalajangersaassapput (ilikkagassatut pilersaarutit).

Ilinniakkatigut sammiviit

§ 22. Ilinniakkatigut sammivinnik ingerlatsinerup ilinniartut ilinniakkamut atatillugu itisilerinissamut ilinniakkallu nukittorsarnissaanut periarfississavai.

§ 23. Ilinniakkatigut sammivimmik ingerlatsineq 1800-2300 tiiminut naatsorsuussaavoq, ilinniartup ilinniakkatigut sammivimmik ilinniartitsissutinillu toqqaagassanik toqqaanera apeqqutaatillugu.

§ 24. Ilinniakkatigut sammivinnik ingerlatsinerup ilaapput ilinniartitsissutit pinngitsoorani peqataaffigisassat imminnut ataqtigiissut aamma ilinniartitsissutit ilinniartup nammeneq toqqaagai.

Imm. 2. Ilinniakkatigut sammivimmik ingerlatsinerup naammassinerani ilinniartut tamarmik minnerpaamik ilinniartitsissutit marluk killiffik A-miittut ilinniarsimassavaat.

§ 25. Ilinniakkatigut sammivinni tamani ilinniartitsissutit makku pinngitsoorani ilaatinneqassapput:

- 1) Kalaallit oqaasii, killiffik A-mi.
- 2) Danskil oqaasii, killiffik A-mi.
- 3) Tuluit oqaasii, minnerpaamik killiffik C-mi.
- 4) Matematikki, minnerpaamik killiffik C-mi.
- 5) Inuiaqtigiilerineq, minnerpaamik killiffik C-mi.

6) Namminerisamik ilinniarnermi suliaasaq.

Imm. 2. Ilinniakkatut sammivinni ataasiakkaani aammattaaq ilinniartitsissutit pinngitsoorani peqataaffigisassat marluk ilaapput. Ilinniartitsissutit killifiillu suunerannut ilinniakkatut sammiviit ataasiakkaat apeqqutaapput.

§ 26. Ilinniarnertuunngorniarfiit ilinniartitsissutit toqqarneqarsinnaasut arlaqartut C-mik, B-mik A-millu killiffeqartut, ilinniakkatut sammiviit akimorlugit toqqarneqarsinnaasut neqeroorutigissavaat. Ilinniartitsissutit toqqarneqarsinnaasut ilinniartitsissutit ataatsimoortut iluanneersuussapput, ilinniartitsissutit ataatsimoortut teknikkimut-pinngortitamik ilisimatusarnermut, inuiaqatigiilerinermut, humanioramut, niuernermit eqqumiitsuliornermullu tunngasutigut ilinniartitsissutit ataatsimoortut assigiinngitsut akornanneersuullutik.

Imm. 2. Tuluit oqaasii killiffik B-mi aamma A-mi ilinniarnertuunngorniarfinni tamani toqqagassatut neqeroorutaassapput. Rektori ilinniartitsissutit toqqagassat allat neqeroorutiginnissaat pillugu aalajangiisassaaq, taamaattoq tak. imm. 3.

Imm. 3. Naalackersuisut ilinniarnertuunngorniarfiit ilinniartitsissutinik toqqagassanik neqeroornissaat pilersitsinissaallu aamma ilinniartitsissutit killiffiillu suut ilinniarnertuunngorniarfiit ilinniartitsissutinik toqqagassanik neqeroorutaannut ilaasinaanersut pillugit malittarisassanik aalajangersaasinnaapput.

§ 27. Naalackersuisut ilinniartitsissutit ataasiakkaat killiffinni assigiinngitsuni anguniagaat, imarisassat annertussusissaallu pillugit malittarisassanik aalajangersaassapput (ilikkagassatut pilersaarutit).

§ 28. Ilinniartup ilinniakkatut sammivimmik toqqaanermi pingaarnerniit tullerriaarlugit nalunaassavaa, ilinniakkatut sammivik sorleq ilinnialerfissatut kissaatiginerlugu ilinniarnertuunngorniarfimmilu sumiikkumanerluni.

Imm. 2. Ilinniartup ilinniakkatut sammivimmi ilinniarnertuunngorniarfimmilu sallerpaatitamini ilinniartunngortinneqassaaq, taamaattoq tak. imm. 3-6.

Imm. 3. Ilinniakkatut sammivik toqqarneqartoq ilinniarnertuunngorniarfimmilinnit ilinniartup kommunianiittumi ilinniartullu ilinnialerfiginiagaani aamma ilinniarnertuunngorniarfinni allani neqeroorutigineqarpat, ilinniartup ilinniakkatut sammivimmi kommunimini ilinniarnertuunngorniarfimmittumi ilinniartunngortinneqassaaq.

Imm. 4. Ilinniakkatut sammivik kommunerisami ilinniarnertuunngorniarfimmilinnit ilinniartup ilinnialerfigisassarinnngisaani ilinniarnertuunngorniarfimmilinnit allani neqeroorutigineqarpat, ilinniartup kommunerisamini ilinniarnertuunngorniarfimmilinnit ilinniakkatut sammivimmi toqqakkamini ilinniartunngortinneqassaaq.

Imm. 5. Ilinniakkatut sammivik toqqarneqartoq kommunerisami ilinniarnertuunngorniarfimmilinnit neqeroorutigineqanngippat, ilinniartup ilinniakkatut sammivimmi ilinniarnertuunngorniarfimmilinnit ilinnialerfigiumallugu kissaatigisamini ilinniartunngortinneqassaaq, taamaattoq tak. imm. 6.

Imm. 6. Ilinniarnertuunngorniarfimmilinnit aalajangersimasumi ilinniakkatut sammivimmut aalajangersimasumut ilinniartup inissaqartitaaniit amerlanerulaartunik qinnuteqartoqarpat, Naalackersuisut killilimmik amerlanerusunik ilinniartunngortitsisinnaaneq akuersissutigisinnavaat. Ilinniarnertuunngorniarfimmilinnit aalajangersimasumi ilinniakkatut sammivimmut aalajangersimasumut

ilinniartuup inissaqartitaanit amerlaneroqisunik qinnuteqartoqarpat, rektorip qinnuteqartut pisinnaasaannik ilinnialerumallutillu pissutigisaannik ataatsimoortumik nalileereernermit aalajangissavaa, qinnuteqartut kikkut ilinniartunngortinneqassanersut. Qinnuteqartut ilinniartunngortinneqanngitsut pingaarniit tulleriarnermini tulluutsitartik naapertorlugu ilinniartunngortinneqassapput, malittarisassat maani nalunaarsorneqartut naapertorlugit.

§ 29. Ilinniarnertuunngorniarfiit ukiut tamaasa aalajangertassavaat, ilinniakkatut sammiviit suut ilinniarnertuunngorniarfinni ataasiakkaani neqeroorutiginiarneqarnersut, Naalakkersuisullu tamatumunnga piffissaliussaasat sioqqullugu pineqartoq pillugu Naalakkersuisunut nalunaartassallutik.

Imm. 2. Naalakkersuisut ilinniarnertuunngorniarfik ilinniakkatut sammivimmik neqerooruteqarnissaanik itigartissinnaavaa, tamanna immikkut ittunik peqquteqarpat.

Imm. 3. Naalakkersuisut ilinniarnertuunngorniarfiit ilinniakkatut sammivinnik pilersitsinissamut sinaakkutissaasat pillugit malittarisassanik aalajangersaasinnaapput, tamatumunnga ilanngullugu ilinniarnertuunngorniarfiit ataatsimoorussamik ilinniakkatut sammivinnik neqerooruteqartarnissamut pisussaaffeqarnerat (ilinniakkatut sammiviit pinngitsoorneqartussaannngitsut).

Namineq piumassutsimik ilinniarneq

§ 30. Ilinniarnertuunngorniarfiit ilinniartut namminneq piumassutsiminnik peqataaffigisinnaasaannik ilinniartitsinerneq neqerooruteqarsinnaapput. Ilinniartitsineq ukioqatigiiaat, klassit, holdit ilinniartitsissutillu akimorlugit neqeroorutigineqarsinnaavoq. Qulequttat nutaat ilinniartitsinerneq ilaasut, ilinniartitsissummi pineqartumi misilitsinnernut ilaatinneqarsinnaanngilat.

Imm. 2. Rektorip ilinniartut neqeroorfigisinnavaa ilinniarnertuunngorniarfiup atortui ilinniagassanik ilinniarnermut assigisaanulluunniit atorineqarsinnaatillugit, tassuunakkut ilinnianerme avatangiiseqarneq ilinniartullu tamarmik ilinniakkamikkut pissarsilluarnissamut toqqammaviat nukittorsarumallugit.

Ilinniartitsinerneq oqaasit aamma oqaasineq ilinniartitsinerneq tunngaviit

§ 31. Ilinniartitsinerneq oqaasit tassaapput kalaallit danskillu oqaasii. Aammattaaq tuluit allamiulluunniit oqaasii allat ilinniartitsinerneq oqaasit atorineqarsinnaapput.

Imm. 2. Ilinniartitsinerneq oqaasilerinerneq oqariaasit ataatsimoorussat atorineqassapput.

§ 32. Kalaallit oqaasiisa killiffik A-mi ilitsoqqussaralugu oqaasit ilinniartitsissutiginerat eqqaassanngikkaanni, ilinniartitsissutini tamani ilinniartitsinerneq allamiut oqaasiinik ilinniartitseriaaseq ilinniartut oqaasitigut ineriartornerannik ilinniagassatigullu pissarsinerannik nukittorsaasoq tunngavigineqassaaq.

Suleriaasit aamma perorsaanikkut tunngaviit

§ 33. Ilinniarneq tamaat ilinniartitsissutinilu tamani ilinniagaq ingerlanneqassaaq atuinissamut sammisut atuagarsornerlu pingaartillugit.

Imm. 2. IT ilinniartitsissutini tamani ilinniartitsinerneq ilaassaaq.

Imm. 3. Ilinniarneq tamaat ilinniarnermi periutsinik sungiusarneq ingerlaavartumik

ilinniartitsinermut ilaatinneqassaaq.

§ 34. Ilinniartitsinerup ilaa ilinniarnermi takusassarsiornerut, paasisassarsiorluni angalanertut il.il. aaqqissuunneqarsinnaavoq.

§ 35. Ilinniartitsineq taassumaluunniit ilaa ungasianiit ilinniartitsinerut aaqqissuunneqarsinnaavoq.
Imm. 2. Ilinniartuq nalunaareeraluarluni ungasianiit ilinniartitsinermut peqataangippat, ilinniartup ilinniarnertuunngorniarfiata pisussaaffigaa, sapinngisamik ilinniartup ilinniakkami nalinginnaasumi kinguaattooruteqarani ilinniarnertuunngorniarfimmi ilinniartup ilinniartuuffigeriigani ilinniarnertuunngorniarfimmiluunniit allami ingerlaqqinnissaata isumaginissaa.

Imm. 3. Naalakkersuisut ungasianiit ilinniartitsineq pillugu malittarisassanik erseqinnerusunik aalajangersaasinnaapput.

§ 36. Ilinniarnernup ilaa nunani allani ilinniarfimmi ingerlanneqarsinnaavoq, ilinniartunit immikkut aaqqissuussinermut Naalakkersuisunit akuerineqartumut nalunaaqqasunit, tamanna siumoortumik pilersaarusiugaappat. Ilinniarnep nunami allami semesterimi ataatsimi imaluunniit Naalakkersuisunit immikkut akuerineqareernikkut ukiut marluk tikillugit pisinnaavoq. Tunngaviumik ilinniarnep nunani allani pisinnaangilaq.

Imm. 2. Ilinniartuq nalunaareeraluarluni nunami allami ilinniarfimmi ilinniarnermut peqataangippat, ilinniarnertuunngorniarfiata pisussaaffigaa, sapinngisamik ilinniartup ilinniakkami nalinginnaasumi kinguaattooruteqarani ilinniarnertuunngorniarfimmi ilinniartup ilinniartuuffigeriigani ilinniarnertuunngorniarfimmiluunniit allami ingerlaqqinnissaata isumaginissaa.

§ 37. Ilinniartitsineq ilinniarnep tamaat aaqqisugaassaaq ima,
1) ilinniartunut tamanut unamminartoqarluni sammisaqartitsiffiulluni,
2) ilinniartunit tamanit ilinniartitsissutini tamani nikerassutsimik siuariartussutsimillu naapitaqarfiussalluni,
3) ilinniartunit tamanit ilinniartitsissutini tamani ilinniakkamut atatillugu oqaatsinik pilersitsinermi siuariartussutsimik naapitaqarfiussalluni aamma
4) ilinniagaq ataatsimut isigalugu ilinniartitsissutinilu ataasiakkaani anguniakkat anguneqassallutik.

Ilinniartitsisooqatigiit

§ 38. Klassini tamani tunngaviumik ilinniarfiusuni aamma ilinniakkatigut sammivinnik ingerlatsiffiusuni ilinniartitsisooqatigiit rektorimit katiterneqassapput, taakku ilinniartitsisunik marlunnik amerlanernilluunniit inuttaqassapput, klassimilu ilikkariartornermi avatangiiserisanik toqqissisimanartunik ilinniartullu ataasiakkaat peqqissutut misigisimanerannik inerisaanissaq siunertaralugu, tassuunakkut ilinniagassanut sammineq inerisarneqaaqqullugu ikerinnakkullu unittarnerit pinaveersaarneqaaqqullugit.

Imm. 2. Ilinniartitsisooqatigiit suliasaraat klassimi kulturip klassimilu toqqissisimanerup pilersinnissaat, suliasat perorsaanikkut ilinniakkamullu tunngasutigut perorsaanikkut ikorfartuutaasut isumaginissaat aamma allaffissornikkut suliasat ilinniartitsisooqatigiit siunertaannut attuumassuteqartut isumaginissaat.

Imm. 3. Ilinniartitsisooqatigiit ilinniartitsisullu ilinniartitsisooqatigiinnut ilaasut klassip

ilinniarnermut ilitsersuisua suleqatigissavaat, aamma ikorfartuisoqartitsilluni aaqqissuussinerit pilersinnissaannut peqataassallutik.

Imm. 4. Rektorip ilinniartitsisooqatigiit ilinniartitsisooqatigiinnilu ilinniartitsisut ataasiakkaat ilinniartitsinerup pilersaarusioneranut, ingerlanneranut, nalilerneranut inerisarneranullu naleqqiullugu sunik suliakkerneqarnissaat erseqqinnerusumik aalajangissavaa.

Imm. 5. Rektorip ilinniartitsisooqatigiit ilinniartitsisooqatigiinnilu ilinniartitsisut ataasiakkaat taakkununga ilaasut atuuffissaasa sivisussusissaa aalajangissavaa.

Ikorfartuineq, ilitsersuineq siunnersuinerlu

§ 39. Ilinniarnertuunngorniarfiup ilinniartut ataasiakkaarlugit ikorfartuinissamik, siunnersuinermik aamma ilinniakkatigut sammivimmik toqqaaniarneranni, ilinniartitsisutit toqqagassat toqqarniarneranni, ilinniakkap naammassinissaa pillugu aamma ilinniakkamik inuutissarsiummillu toqqaaniarneranni ilitsersorneqarnissaannik neqeroorfigissavai. Suliassat tamakkiisumik ilaannakortumilluunniit piffissap ilinniartitsiffiup skemaqartup avataani isumagineqarsinnaapput.

Imm. 2. Rektorip qularnaassavaa piffissap ilinniarfiup ilaatut ilinniakkatigut periutsitigullu ilinniartitsissutini ataasiakkaani aamma ilinniartitsissutit imminnut ataqatiginnerat pillugu ilitsersuisoqarnissaa. Rektori ilitsersuinerup aaqqissugaanerata pilersaarusioneratalu aaqqissuunnissaat pillugit erseqqinnerusumik aalangiissaaq.

Imm. 3. Rektori minnerpaamik semesterimut ataasiarluni klassit ilinniartulluunniit ataasiakkaat pillugit pissutsit, klassimi ilinniartitsisui ilinniartitsisooqatigiillu peqatigalugit oqallisigisassavai.

Imm. 4. Ilinniartut siunnersuinermut ilitsersuinernullu, imm. 1 aamma 2 naapertorlugit ingerlanneqartumut peqataasussaataapput.

Imm. 5. Naalackersuisut ikorfartuineq, siunnersuineq ilitsersuinerlu pillugit malittarisassanik aalajangersaasinnaapput, tamatumunnga ilanngullugit ilitsersuisunit pisinnaasatigut piumasaqaatit.

Ingerlatsinerit immikkut aaqqissuussat

§ 40. Rektorip ilinniartut qinnuteqareernerisigut ilinniarnernannik sivikillisaassinnaavai ilinniartitsissutinilu misilitsinnissamut peqataanginnissaat akuerisinnaallugu, ilinniartoq ilinnialinnginnermini ilinniartitsissut ilinniarnertuunngorniarfimmi taama qaffassissusilimmik qaffasinnerusumilluunniit killiffeqartumik naammassereersimappagu.

Imm. 2. Aammattaaq rektorip qinnuteqartoqareerneratigut ilinniartoq piffissamik ilinniarfianik sivikillisaassinnaavaa, ilinniartitsissutinik paarlaassineq ilanngullugu, ilinniarnermut imaluunniit misilitsinnermit ilinniarnernup aallartinnera sioqqullugu naammassereerneqarsimasumit ilinniarnertulluunniit ilaa ingerlatereersimappagu, ingerlatsisimanera rektorip naliliinera naapertorlugu ilinniakkami ilinniarnernup ilaanut taarsiussinnaappat.

Imm. 3. Ilinniartunut imm. 1 imaluunniit 2 naapertorlugu sivikillisaanneqartunut ilinniarnertuunngorniarfik immikkut aaqqissuussanik ingerlatsisinnaavoq, nalinginnaasumik ilinnianertuunngorniarternit sivikinnerusunik.

Imm. 4. Ilinniartoq sivikillisaanneqarnissaminik akuerineqarsimaguni, ilinniartitsisummi sivikillisaanneqarfimmi taarsigaani ilinniartitsinermut misilitsinnermulluunniit peqataanissaminik

piumasaqaateqarsinnaanngilaq.

Imm. 5. Naalakkersuisut sivikillisaanneqartarneq pillugu malittarisassanik erseqqinnerusunik aalajangersaasinnaapput, tamatumunnga ilanngullugit ilinniartitsissutit suut sivikillisaaffigineqarsinnaanersut, qanorlu annertutigisumik ilinniartitsissutit sivikillisaaffigineqarsinnasut atatsimoortumik soraarummeernermit ilaasinnaanersut.

§ 41. Naalakkersuisut ingerlatsinerit immikkut aqqissuussat, inunnt ukiunik pingasunik sivikinnerusumik ilinniarnertuunngorniarnissamik kissaateqartunut saaffiginnittut pillugit malittarisassanik aalajangersaasinnaapput.

§ 42. Rektorip ilinniarnertuunngorniarneq sivitsorsinnaavaa ilinniartunut ilinniakkamikkut pissutsit, peruluutaasumik napparsimaneq innarluutilluunniit pissutigalugit ilinniartitsinermit nalinginnaasumik malinnaaniapiloortunut atatillugu.

Imm. 2. Ilinniartut napparsimanertik pissutigalugu piffissami sivisunerusumi ilinniakkamut malinnaasinnaanngitsut, periarfissaqarnera naapertorlugu napparsimanerminni ilinniartinneqarnissaminnik neqeroorfigineqassapput.

Imm. 3. Rektorip ilinniartoq innarluutilik timersornermik ilinniartitsinermit peqataannginnissaanik akuerisinnaavaa, innarluutaata ilinniartitsinermit peqataanissaa ajornakusoortippagu, ilinniartitsissut toqqarneqarsinnaasoq sorleq ilinniartup paarlaallugu peqataaffigissaneraa rektorip ilinniartoq oqaloqatigisinnarlugu aalajangissavaa.

Imm. 4. Naalakkersuisut imm. 2-mi napparsimasunik ilinniartitsineq pillugu erseqqinnerusunik malittarisassalorsinnaapput, tamatumunnga ilanngullugu ilinniarnertuunngorniarniup ilinniartumut saaffiginnittussaataitanera aamma misilitsinnerit soraarummeernerillu naleqqussakkat, tak. imm. 1.

§ 43. Ilinniartut pisariaqartitsisut perorsaanikkut tapersiissutaasumik immikkut aqqissuussinernik neqeroorfigineqassapput.

Imm. 2. Perorsaanikkut tapersiissutaasumik immikkut aqqissuussinernit ilinniartumut periarfissiissutigineqassapput, tamanna pillugu immikkut ilisimasallit oqaaseqareernerisa kingorna ilinniartup pisariaqartitaanik, pisariaqartitat pineqartut ikiorsiivigineqarsinnaanerannik periarfissanut sanilliusilluni, rektorip tigussaasumik nalileereerneratigut. Ingerlatsinerit ilinniartup ilinniartitsisuisalu oqaloqatigineqareernerisigut aallartissapput. Ilinniartoq sulii oqartussaasunik angajoqqaarpat ingerlatsineq aallartissaaq angajoqqaatut oqartussaassuseqartoq suleqatigalugu.

Imm. 3. Naalakkersuisut perorsaanikkut tapersiissutaasumik immikkut aqqissuussinernit pillugit malittarisassanik aalajangersaasinnaapput.

Kapitali 4

Naliliineq uppersaasiinerlu

Ingerlaavartumik naliliineq

§ 44. Ilinniartut ataasiakkaat ilinniartinneqarnerminni pissarsiaat pillugit ingerlaavartumik nalilersuisoqassaaq. Naliliinermit ilinniartup nammineq imminut nalilernerla ilaatinneqassaaq.

Imm. 2. Naliliinerup ilinniartuq nammineq siumukassusianik paasissutississavaa, tassuunakkut ilinniartup ilikkariartuqqinnera inerikkiartorneralu pillugit ilitsersuinissamut tunngavissiisoqaqqullugu, tamatumunnga ilanngullugit ilinniakkatut sammivimmik, ilinniartitsissutinik ilinniartitsissutinillu toqqagassanik toqqaanissamut tunngasut. Aammattaaq naliliinerup tunngavississavaa ilinniartup ilinniartitsinermik ingerlanneqareertumik naammaginartumik pissarsisimaneranik rektorip naliliinissaa, tak. § 53.

Imm. 3. Naalakkersuisut ingerlaavartumik naliliisarneq, tamatumunnga ilanngullugu naammagittaalliortarneq, pillugit erseqqinnerusumik malittarisassaliussapput.

§ 45. Ilinniartup ilinniartitsinermik pissarsiaqarnera pillugu ilinniarnertuunngorniarfiup isumaanik angajoqqaatut oqartussaataasut akuttunngitsumik ilisimatinneqartassapput.

Imm. 2. Naalakkersuisut angajoqqaatut oqartussaataasut ilisimatinneqartarnissaat pillugu erseqqinnerusunik malittarisassaliorsinnaapput.

Inaarutaasumik naliliineq uppernarsaasiinerlu

§ 46. Inaarutaasumik naliliineq pissaaq ataatsimoortumik naliliinertut (ilinniarnertuutut soraarummeerneq), tassungalu ilaassapput Naalakkersuisunit aalajangerneqartumik oqaluttariarsorluni allattariarsorlunilu misilitsinnerit arlaqartut aamma ilinniartut ataasiakkaarlutik ilinniarnerminni suliaat. Ilinniartitsissutini kalaallit aamma danskit oqaasiini allattariarsorluni misilitsittoqassaaq.

Imm. 2. Aammattaaq ilinniarnertuutut soraarummeertoqarsinnaavoq ilinniartitsissutini ataasiakkaani, ilinniartitsissutini pinngitsoorani peqataaffigisassani misilitsinnermi, ilinniartitsissutini toqqagassani pisariaqartunik amerlassusilinni aamma ilinniartut ataasiakkaarlutik ilinniarnerminni suliaanni karakterinik katiterinikkut. Tamanna pillugu Naalakkersuisut malittarisassanik erseqqinnerusunik aalajangersaasinnaapput.

Imm. 3. Misilitsinnerit imm. 1-imi taaneqartut namminneerlutik ilinniartunit misilitsiffiusinnaapput, tak. § 54, imm. 2. Naalakkersuisut namminneerlutik ilinniartut misilitsittarnerat pillugu malittarisassanik erseqqinnerusunik aalajangersaasinnaapput.

§ 47. Ilinniarnertuutut soraarummeernermut ilaasinnaapput ilinniartitsissutini tamani misilitsinnerit, taamaallaat ilinniartitsissutit timersorneq, nipilersorneq aamma assilissanik eqqumiitsuliorneq killiffik C-miittut pinnagit, kiisalu ilinniartitsissutit science ilinniarnermilu periutsit pinnagit. Misilitsinnerit ilinniartitsissutit arlariinngorlugit ingerlanneqarsinnaapput.

Imm. 2. Naalakkersuisut ukiut tamaasa aalajangertassavaat, qaqugukkut misilitsinnerit qitiusumiit suliaakkiissutitallit ingerlanneqartassanersut. Rektorip aalajangissavaa misilitsinnerit allat ilinniarnertuunngorniarfinni ataasiakkaani qaqugukkut ingerlanneqassanersut, piffissaliussat Ilinniartitaanermut Naalakkersuisoqarfiup aalajangiussaasa iluanni.

Imm. 3. Naalakkersuisut ukiut tamaasa aalajangertassavaat, ilinniartut ataasiakkaat ilinniartitsissutini sorlarni misilitsissanersut. Ukiut ilinniartit tamaasa rektorip ilinniartunut ilisimatitsissutigissavaa, ilinniartitsissutini sorlarni misilitsittoqassanersoq.

§ 48. Misilitseriaaseq apeqqutaatinnagu ilinniartut ataasiakkaarlutik nalilerneqassapput.

§ 49. Rektorip misilitsinnerit isumagissavai aamma misilitsinnernut soraarummeernernullu

uppernarsaatit suliarissallugit.

Imm. 2. Soraarummeerluni angusinerup kingorna ilinniartoq soraarummeersimanermit uppernarsaammik tunineqassaaq.

Imm. 3. Soraarummeersimanermit uppernarsaatip nalinginnaasumik imarissavai misilitsinnermi karakterit, ukiumut karakterit aamma ilinniartut ataasiakkaarlutik ilinniarnermi suliaanni karakteri. Soraarummeernermit uppernarsaammi karakterit, assigiinngitsunik naleqartinneqarlutik, soraarummeernermi angusanut ilaasinnaapput.

Imm. 4. Ilinniartunut ilinniarnertuunngorniarfimmi atuartitsissutinik ilinniarnertuutut soraarummeeratik naamassisunut imaluunniit ilinniarnermi ikerinnakkut unitsitsisunut rektori uppernasaasiussaaq, tassanilu ilisimatitsissutigineqassapput ilinniartoq ilinniartitsinermit sorlernerit peqataasimanersoq aamma ingerlaavartumik naliliinnermi angusaasut, kiisalu paasissutissat naapertuuttut allat, ilinniartup ataatsimoortumik naliliinnermit ilanngunneqartussat kissaatigisai.

§ 50. Naalackersuisut inaarutaasumik naliliineq uppernarsaasiinerlu pillugit malittarisassanik erseqqinnerusunik aalajangersaassapput, tassunga ilanngullugit atuagassat annertussusiat, piunasaqaatit soraarummeerutissatullu pisassiissutit, misilitsinnerit, suliakkiissutit, naliliineq, nalileeqaataaneq, karakterit taakkualu soraarummeernermi angusaasuni nalingat, soraarummeernermit uppernarsaatit, soraarummeernissamut nalunaarneq, soraarummernissamik pilersaaruserneq, napparsimasunik soraarummeersitsineq, naammagittaalliorneq il.il.

Nalileeriaatsit ingerlaqqinnerlu

§ 51. Ilinniartut ataasiakkaat ilinniakkamut tunngatillugu pisinnaasaat angusanut tunngatillugu karakterit, ilinniarfiup iluani misilitsinnermi karakterit aamma oqaasiinnakkut allakkatigullu oqaaseqaatit atorlugit nalilerneqartassapput.

Imm. 2. Angusanut tunngatillugu karakterit tassaapput, ilinniartitsissummi pineqartumi ilinniakkatigut ilisimasassani anguniakkanik, ilikkagassat pilersaarummi paasinninnermit periutsinullu tunngatillugu ilinniartut ataasiakkaat karakteriliinerup nalaani qanoq piviusunngortitsitiginerannik oqariutuutit.

Imm. 3. Ilinniarfiup iluani misilitsinnermi karakterip oqariutuutigaa ilinniartut ataasiakkaat suliaasiissummit naleqqiullugu ilinniakkatigut ilisimasassani anguniakkanik, paasinninnermit periutsinullu tunngatillugu qanoq piviusunngortitsitiginerat.

Imm. 4. Oqaasiinnakkut allakkatigullu oqaaseqaatit oqariutuutigaat ilinniartut ataasiakkaat suliaasiissummit naleqqiullugu ilinniakkamilu pineqartumi ilinniakkatigut ilisimasassani anguniakkanik, paasinninnermit periutsinullu tunngatillugu qanoq piviusunngortitsitiginerat.

Imm. 5. Naalackersuisut nalileeriaatsit pillugit malittarisassanik erseqqinnerusunik aalajangersaasinnaapput.

§ 52. Suliassat suliniutillu anginerusut ilinniartut suleqataaffigisaat immikkoortillugit nalilerneqassapput.

§ 53. Rektorip ilinniartup 1.G-miit 2.G-mut imaluunniit 2.G-miit 3.G-mut nuunnissaa itigartitsissutigisinnaavaa, nalilerneqarpat ilinniartoq ataatsimut isigalugu ilinniartitsinermit

ingerlanneqareersumik naammagintumik pissarsisimangitsoq. Tamatumani pisariaqarpoq, kisiannili klassimut tullermut nuunnissamik itigartitsinermut kisimi peqquataasinnaanani, ilinniartup angusanut tunngatillugu semesterimi imaluunniit killiffimmini karakteriisa angusinissamut killigititaasunit appasinnerunissaat.

Imm. 2. Naalakkersuisut rektorip ilinniartup klassimut qaffasinnerusumut nuunnissaanik itigartitsisinaanera pillugu malittarisassanik erseqqinnerusunik aalajangersaasinnaapput, tamatumunnga ilanngullugu ilinniartup ilinniartinneqaqqinnissanik sunik neqeroorfigineqassanersoq.

Kapitali 5

Pinngitsoorani takkuttussaaneq aamma suleqataalluarluni peqataanissaq il.il.

§ 54. Ilinniartut pinngitsooratik takkuttussaataapput ilinniartitsinermullu suleqataalluarlutik peqataassallutik, taamaattoq tak. imm. 2.

Imm. 2. Ilinniartut ilinnialerumallutik qinnuteqarnerminnut atatillugu ilinniarnertullu ingerlanerani nalunaarutigisinnaavaat, ilinniarnertik imaluunniit ilinniarnermik ilaa nammineerluni ilinniarnertut ingerlakkumallugu, tamannalu ima paasineqassaaq, ilinniartuq ilinniarnertuunngorniarfimmi tamakkiisumik ilaannakortumilluunniit ilinniartuunngikkaluarluni ilinniakkami pineqartumi misilitsinnissamut nalunaartoq. Naalakkersuisut nammineerlutik ilinniartut pillugit malittarisassanik erseqqinnerusunik aalajangersaasinnaapput.

Imm. 3. Rektorip ilinniartut takkutinngitsoortarnerat akuleruffigissallugu pisussaaffigaa. Tamanna pillugu aalajangersakkat ilinniarnertuunngorniarfiup ilinniarnermut ileqqorissaarnissamullu malittarisassaani aalajangersarneqarsinnaapput, tak. § 55.

§ 55. Rektorip ilinniarnertuunngorniarfiup ilinniarnermut ileqqorissaarnissamullu malittarisassai aalajangersassavai, taamaattoq tak. imm. 3. Rektorip ilinniarnermut ileqqorissaarnissamullu malittarisassat pillugit ilinniartut ilisimatissavai. Rektorip ilinniarnertuunngorniarfiup ilinniarnermut ileqqorissaarnissamullu malittarisassai Naalakkersuisunut ilisimatitsissutitut nassiutissavai.

Imm. 2. Ilinniartunut ilinniarnermut ileqqorissaarnissamullu malittarisassanik maleruaanngitsunut iluserisassat pillugit rektori aalajangiissaaq. Ilinniartut arlaleriarlutik imaluunniit sakkortuumik ilinniarnertuunngorniarfiup ilinniarnermut ileqqorissaarnissamullu malittarisassaani unioqqutitsisut, rektorip ilinniarnertuunngorniarfiup anisissinnaavai.

Imm. 3. Naalakkersuisut ilinniarnermut ileqqorissaarnissamullu malittarisassat pillugit malittarisassanik erseqqinnerusunik aalajangersaassapput, tamatumunnga ilanngullugit pinngitsoorani takkuttussaataaneq atuannitsoortarnerillu pillugit aamma ilinniartunut ilinniarnermut ileqqorissaarnissamullu malittarisassanik malinninngitsunut iliuseqarneq.

Kapitali 6

Ilinniartitsisut

§ 56. Ilinniartitsisut pisussaaffigaaq ilinniartut ataasiakkaat ilinniakkamikkut pissarsinissaat sulissutigissallugu taamatullu ilinniartut ataasiakkaat klassillu toqqissisimasumik atugaqarnissaat.

Ilinniartitsisut pisussaaffigaat ilinniarnermi avatangiisit toqqisisimasut kajumissuseqalernartullu, inuit ataasiakkaat kulturikkut inooqatigiissutsikkullu tunuliaqutaannik ataqqinninnermik akaareqatigiinnermillu ersiuteqarfiusut pilersinnissaat.

§ 57. Ilinniartitsisut inatsit manna naapertorlugu ilinniartitsisut, ilinniarnertuunngorniarfimmi ilinniartitsissummi ataatsimi amerlanerniluunniit ilinniartitsinissamut piginnaaneqassapput, taamaattoq tak. imm. 2 aamma 3 aamma § 77. Ilinniartitsinermik piginaasaqarnermut ilaapput ilinniartitsissutitigut, tak. § 58, perorsaanikkullu piginnaasaqarneq, tak. § 59.

Imm. 2. Naalackersuisut ilinniartitsissutitigut perorsaanikkullu piginnaasaqarnissaq erseqqinnerusumik malittarisassaliussavaat, tamatumunnga ilanngullugit §§ 58-59-imi piumasaqaatinik aalajangersarneqartunik sanioqquitsinissamut periarfissat.

Imm. 3. Naalackersuisut malittarisassiuussinnaavaat piumasaqaatit suut naapertorlugit inuit ilinniartitsinermik piginnaasaqanngitsut piffissami killilimmi ilinniarnertuunngorniarfimmi ilinniartitsisinnaassanersut.

§ 58. Ilinniartitsinermik piginnaasaqarnissamut piumasaqaataavoq universitetimi ilinniartitsissutit qaffasinnerusumi allami kandidatitut soraarummeersimanissaq ilinniartitsissutit ilinniarnertuunngorniarfiup ilinniartitsissutigisartagaani ataatsimi amerlanerniluunniit, immikkut ilinniagaq ilanngullugu, taamaattoq tak. imm. 2. Ilinniartitsissutit marluk akuleriisillugit ilinniakkami ilinniartitsissutit tamarmik ilinniarnertuunngorniarfiup ilinniartitsissutigisartagaanut ilaassapput. Aammattaaq piumasaavoq, ilinniagaq immikkuualuttortamigut atatsimoortumillu isigalugu ilinniartitsissummut periutsinullu tunngatillugu ima atitussuseqarlunilu itissuseqassasoq, ilinniartitsisoq illersorneqarsinnaasumik ilinniartitsissummi ilinniartitsisinnaalluni – ilinniarnertuunngorniarluni ilinniakkap anguniagaanut naleqqiullugu.

Imm. 2. Ilinniakkamut naleqqiullugu piginnaasaqassuseq aammattaaq ilinniagaq alla aqquitalugu pissarsiarineqarsinnaavoq, malitsigisaanik suliamut tunngatillugu piginnaaneqalissutaasumik naapertuuttumik inuutissarsiummik ingerlatsisimanermik tapertaqarsinnaasumik.

Imm. 3. Ilinniartitsisut, ilinniartitsissutit inuutissarsiummut sammisuni ilinniartitsisusut, inuutissarsiummik misilittagaqassapput.

Imm. 4. Rektorip ilinniartitsisut ilinniarnertuunngorniarfimmi atorfinniinneranni ilinniartitsissutit piginnaasaqartutut akuerissavai.

§ 59. Perorsaanikkut piginnaasaqarneq anguneqassaaq pædagogikummi naammassineratigut, taanna tassaavoq ilinniartitsisunut atorfinerlaanut perorsaanikkut ilinniagaq. Pædagogikum atuagarsornertaqarlunilu ilinniartitsinertaqarpoq, tamatumani ilaallunissaq ilinniarnertuunngorniarfimmi klassini ilinniartitsineq.

Imm. 2. Ilinniartitsisut pædagogikummi naammassineratigut ilinniartitsinermik pisinnaasaqalissapput, ilinniarnertuunngorniarfimmi ilinniakkap ilusaa aamma ilinniarnertuunngorniarfiup aqqissugaanera paasisaqarfigissallugit, ilinniartitseriaatsit atuagarsornikkut ilisimasaqarfigissallugit, kiisalu ilinniakkap inuiaqatigiinnut avatangiiserisanut ataqatigiinnera paasisaqarfigissallugu.

Imm. 3. Pædagogikum ilinniarnertuunngorniarfimmi aalajangersimasumik atorfeqalernermit siullermiit ukiut siulliit marluk ingerlaneranni naammassineqassaaq. Immikkut inuttut

pequtissaqartillugu imaluunniit ilinniartuup isumassornissaanut pingaartuteqarpat rektorip akuerisinnaavaa pædagogikummi ilinniarnertuunngorniartimmi atorfininnerup siulliup kingorna ukiut pingasut tikillugit kinguartinnaa.

Imm. 4. Naalakkersuisut pædagogikummit atatillugu pikkorissarnerit misilitsinnerillu akisussaaffigaat

§ 60. Naalakkersuisut ilinniartitsinikkut piginnaasaqarlernermit uppersaasat suliarissavaat.

Imm. 2. Naalakkersuisut tamanna pillugu qinnuteqartoqareerneratigut ilinniartitsisoq nunanit allaneersoq ilinniartitsinissamut piginnaanilersinnaavaat, ilinniartitsisoq nunami pineqartumi assingusumik ilinniartitsisutut piginnaaneqarpat.

§ 61. Ilinniartitsisut ilisimatusarnermik tunngaveqartunik ilinniaqqinnissamik neqeroorutit peqataaffiginnaat pisinnaatitaaffigalugillu pisussaaffigaat.

Kapitali 7

Rektori

§ 62. Rektori tassaavoq ilinniarnertuunngorniartuup ulluinnarni aqutsisua, perorsaanikkut allaffissornikkullu suliaasnik ilinniartuup sulisuinut naleqqiullugu aqutsillunilu agguuassisarpoq. Ilinniartuup akuerisaasuni rektorip suliaasnik ilinniartuup pisortaanit imaluunniit ilinniarnertuunngorniartuup akisussaasussatut pisortatut atorfinitsitaasumit isumagineqassapput. Rektori aamma pisortaq naggatit aappaanni eqqaaneqartoq inatsimmi matumani rektorimik taaneqarput.

Imm. 2. Ilinniarnertuunngorniartuup rektori Naalakkersuisunit atorfinitsinneqarlunilu soraarsinneqassaaq, Ilinniartuup akuerisaasuni ilinniarnertuunngorniartuup akisussaalluni pisortaq, tak. imm. 1, naggatit aappaat, malittarisassat ilinniartimmut atuuttut naapertorlugit atorfinitsinneqarlunilu soraarsinneqatassaaq.

Imm. 3. Ilinniarnertuunngorniartuup rektori ilinniarnertuunngorniartuup ilinniartitsineranut, misilitsinnernut soraarummeernernullu tunngatillugu ilinniakkatigut, perorsaanikkut allaffissornikkullu Naalakkersuisunit akisussaavoq. Ilinniartuup akuerisaasut assingusumik akisussaaffeqarput, malittarisassat ilinniartimmut atuuttut naapertorlugit.

Imm. 4. Ilinniarnertuunngorniartuup rektorip ilinniarnertuunngorniartuup ilinniartitsisuisa sulisuisalu allat atorfinitsinnissaat soraarsinnissaallu Naalakkersuisunit inassutigisassavaa. Ilinniartuup akuerisaasuni ilinniartitsisut sulisullu allat malittarisassat ilinniartimmut atuuttut naapertorlugit atorfinitsinneqarlutillu soraarsinneqartassapput.

Imm. 5. Rektorip ilinniartuup ilinniartuup pillugit aalajangigassat aalajangersimasut tamaasa aalajangiiffigisassavai, inatsit manna imaluunniit inatsit manna naapertorlugu malittarisassat aalajangiunneqartut allatut piumasqaateqanngippata.

§ 63. Rektori, taamaattoq tak. § 78, aqutsinermik aamma ilinniarnertuunngorniartuup ilinniartitsissutaani minnerpaamik ataatsimi ilinniartitsinikkut piginnaasaqassaaq, tak. § 58 aamma ilinniartitsinikkut piginnaasaqarneq, tak. § 59.

§ 64. Rektorip ilisimatusarnermik tunngaveqartunik ilinniaqqinnissamik neqeroorutit peqataaffiginissaat pisinnaatitaaffigalugillu pisussaaffigaa.

Kapitali 8

Siunnersuisutut ingerlataqartut

§ 65. Ilinniarnertuunngorniarfinni ataasiakkaani tamani ilinniartitsisut siunnersuisartoqatigiiliussapput, taakkualu rektorimut suliamut atatillugu, perorsaanikkut ingerlatsinikkullu pissutsit pillugit siunnersuisartuupput.

Imm. 2. Ilinniartitsisut aalajangissavaat ilinniartitsisut siunnersuisartoqatigiivi tassaassanersut ilinniarnertuunngorniarfimmi ilinniartitsisut tamarmik imaluunniit ilinniartitsisut peqataatitaannik inuttaqartut, ilinniarfimmi ilinniartitsisunit taakkualu akornannit toqqakkat. Ilinniartut siunnersuisartoqatigiivisa peqataatitaat ilinniartitsisut siunnersuisartoqatigiivisa ataatsimiinnerini malinnaasutut peqataasinnaavoq.

Imm. 3. Ilinniartitsisut siunnersuisartoqatigiivisa namminneq suleriaasissartik aalajangissavaat.

Imm. 4. Ilinniartitsisut siunnersuisartoqatigiivini sulineq piffissamut ilinniartitsisup ilinniartitsiffianut ilaasutut naatsorsuunneqarpoq. Sulineq ima aaqqissuuneqassaaq, ilinniartitsisoq sapinngisamik annertunerpaamik ilinniartitsinermik pilersaaruseriikkamik ingerlatsisinnaatillugu.

Imm. 5. Naalakkersuisut ilinniartitsisut siunnersuisartoqatigiivi pillugit malittarisassanik erseqqinnerusunik aalajangersaassapput, tamatumunnga ilanngullugit ilinniartitsisut siunnersuisartoqatigiivinut qinersisarneq, siunnersuisartoqatigiit sulinerat piffissarlu atuuffiat.

§ 66. Ilinniarnertuunngorniarfinni ataasiakkaani tamani ilinniartut ilinniartut siunnersuisartoqatigiviinik pilersitsissapput, ilinniartut pillugit pissutsini tamani rektorimut siunnersuisartussanik.

Imm. 2. Ilinniartut siunnersuisartoqatigiivi tassaapput ilinniartut peqataatitaannik inuttaqartut, ilinniarfimmi ilinniartunit taakkualu akornannit toqqakkat. Ilinniartitsisut siunnersuisartoqatigiivisa peqataatitaat ilinniartut siunnersuisartoqatigiivisa ataatsimiinnerini malinnaasutut peqataasinnaavoq.

Imm. 3. Ilinniartut siunnersuisartoqatigiivisa suleriaasissartik namminneq aalajangissavaat.

Imm. 4. Ilinniartut siunnersuisartoqatigiivini sulineq akissarsiaqaataannilaq.

Imm. 5. Ilinniartut siunnersuisartoqatigiivini sulineq ima aaqqissuuneqassaaq, ilinniartoq sapinngisamik annertunerpaamik ilinniartitsinermik pilersaaruseriikkamik ingerlatsisinnaatillugu. Ilinniartut siunnersuisartoqatigiivni sulineq qaqutigootumik ilinniartitsinerup pilersaaruseriikkap avataani pisinnaatinnagu, ilinniartut siunnersuisoqatigiivini sulineq ilinniartitsinerup ilaatut isigineqassaaq.

Imm. 6. Naalakkersuisut ilinniartut siunnersuisartoqatigiivi pillugit malittarisassanik erseqqinnerusunik aalajangersinnaapput, tamatumunnga ilanngullugit ilinniartut siunnersuisartoqatigiivinut qinersineq, ilinniartut siunnersuisartoqatigiivisa sulinerat atuuffiallu.

Kapitali 9

Nakutilliineq, pitsaassutsimik inerisaaneq naammagittaalliornerlu

§ 67. Naalakkersuisut ilinniartitsineq, misilitsinnerit soraarummeernerillu inatsit manna naapertorlugu ingerlanneqartut qullersaaffigalugit akisussaaffigaat nakkutigisaralugillu.

Imm. 2. Naalakkersuisut qularnaassavaat ilinniarnertuunngorniartinnit tamani ilinniakkamut ilinniartitsinermullu atatillugu ingerlaavartumik pitsaassutsimik inerisaasoqarnissaa, tamannalu qularnaarumallugu avataaniit naliliinermik aallartitsisinnaallutik.

Imm. 3. Naalakkersuisut suliassanut perorsaanerit ingerlatsinermullu tunngasunut atatillugu rektori peqqussummik tunisinnaavaat. Rektori ilinniartinnit akuerisaasumi atorfeqarpat peqqusut ilinniartinnit pisortaanut tunniunneqassaaq.

§ 68. Naalakkersuisut ilinniakkat, ilinniartut sulisullu pillugit paasissutissat pisariaqartut tamaasa ilinniarnertuunngorniartinnit piniarsinnaavaat, tamatumunnga ilanngullugit ilinniarnertuunngorniartinnit alakkarnissaannik isumaginninneq nakkutilliinissaq aamma kisitsisitigut paasissutissanik suliaqarnissaq siunertaralugu, tamannalu pillugu malittarisassanik erseqqinnerusunik aalajangersaasinnaallutik.

Imm. 2. Ilinniarnertuunngorniartinnit Naalakkersuisullu akornanni elektroniskiusumik attaveqatigiinneq pillugu malittarisassanik Naalakkersuisut aalajangersaasinnaapput, tamatumunnga ilanngullugit paasissutissanik tunniussinermi ilusissaat qanorlu ittuunissaat. Aammattaaq Naalakkersuisut nakkutilliinissamut isumannaallisaanissamullu piimasaqaatinik aalajangersaasinnaapput.

§ 69. Ilinniartuq aamma ilinniarnertuunngorniartinnit qinnuteqartoq rektorip aalajangiinermi pillugit, aalajangiinermi ilinniartumut qinnuteqartumulluunniit nalunaarutigineqarneraniit sap. ak. 2 qaangiutsinnagit, Naalakkersuisunut naammagittaalliteqarsinnaavoq. Naalakkersuisut tamanna pillugu malittarisassanik erseqqinnerusunik aalajangersaassapput.

Imm. 2. Ilinniartuq qinnuteqartorluunniit angajoqqaatut oqartussaasuuffigineqarpat, aammattaaq angajoqqaatut oqartussaaffimmik piginnittoq naammagittaalliorsinnaavoq.

Kapitali 10

Tapersiissutaasumik sammisassat

§ 70. Naalakkersuisut pisussaaffigaat isumagissallugit:

- 1) Ilinniarnertuunngorniartinnit pillugu paasissutissat ilitsersuutillu.
- 2) Ilinniakkanut atatillugu siunnersorteqarneq.
- 3) Ilinniartitsinermi atortunik inerisaaneq.
- 4) Ilinniarnertuunngorniartinnit ilinniartitsisunut pisortanullu pikkorissarnissamik ilinniaqqinnissamillu neqerooruteqarneq.
- 5) Perorsaanikkut ilisimatusarneq inerisaanerlu, kiisalu ilinniarnertuunngorniartinnit ingerlatsineranik naliliineq.
- 6) Misilitsinnerit soraarummeernerillu aaqquunneq.

Kapitali 11

Aningaasalersuineq atuisullu akiliutaat

§ 71. Ilinniarnertuunngorniarfiup sanaartugaataanut, ilinniartitsinermit ingerlatsinernullu aningaasartuutit tamaasa Namminersorlutik Oqartussat pisussaaffigaat, erseqqissumik inatsisitigut tunngaviligaanngippat, aningaasartuutit tamarmik ilaannaalluunniit allanit pisussaaffigineqartut.

§ 72. Ilinniarnertuunngorniarfimmi ilinniarneq akeqanngilaq, taamaattoq tak. imm. 2-7. Ilinniartitsinermit atortut ilinniartitsinermit pisariaqartut iliniartunut akeqanngitsumik atugassanngortinneqassapput, taamaattoq tak. imm. 6.

Imm. 2. Ilinniartut ilinniarnermi takusassarsiornermut, paasisassarsiorluni angalanermit il.il., ilinniarnermut ilaasunut, peqataanerminnut akileeqquneqarsinnaapput (atuisut akiliutaat). Taamaattoq ilinniartitsinermit imaluunniit ilinniartitsisut peqataaneranni aningaasartuutitut akileeqquisoqarsinnaanngilaq. Akiliunneqarluni angalanertut iluseqartumik akikillisaanneqarnerit peqataasunut tamanut iluaqutaassapput.

Imm. 3. Ilinniarnermi takusassarsiornerit, paasisassarsiorluni angalanerit il.il. peqataasut nerisaqarnerinnarmut akileeqataaffigisaat, annerpaamillu ullut-unnuallu aallartittut tamaasa 50 kr-mik akeqartinneqartut, pinngitsoorani takkuttussaataitanermut malittarisassanut ilaapput, tak. §§ 54-55. Ilinniartuq atuisutut akiliisimannnginnini pissutigalugu tamatumunnga peqataanngitsoortinneqarsinnaanngilaq.

Imm. 4. Ilinniarnermi takusassarsiornerit, paasisassarsiorluni angalanerit il.il. nerisaqarnerinnaanngitsumut imaluunniit ullut-unnuallu aallartittut tamaasa 50 kr. sinnerlugu peqataasunit akiliiffiusut, ilinniartut ataasiakkaat namminneq piumassutsimikkut peqataaffigissavaat, ilinniarnertuunngorniarfillu ilinniartunut peqataanngitsunut allatut aaqqissuussilluni ilinniartitsinissamik neqerooruteqassaaq.

Imm. 5. Ilinniartut § 36 naapertorlugu immikkut aaqqissuussinermit ilaasut, nunami allamiinnermut pineqartumut atatillugu nammineq angalanerminnut, namminneq najugaqarnerminnut nerisaqarnerminnullu akileeqquneqarsinnaapput. Ilinniartitsinermit imaluunniit ilinniartitsisut peqataaneranni aningaasartuutitut ilinniartut akileeqquneqarsinnaanngillat. Naalakkersuisut ilinniartut nunani allaniinnerannut akiliutissap annertunerpaaffissaa pillugu aalajangersaasinnaapput.

Imm. 6. Naalakkersuisut ilinniartut killilimmik namminneerlutik ilinniartitsinermit atortussanik piniarnissaat pillugu malittarisassanik aalajangersaasinnaapput.

Imm. 7. Ilinniartut ilinniartitsissutinik ataasiakkaanik ilinniartitsinermit peqataasut qaqugukkut ilinniartitsinermit peqataanerminnut misilitsinnernullu peqataanerminnut akiliisarnissaat pillugu aamma ilinniartut ilinniartitsinermit nalunaaqqanngikkaluarlutik (namminneq ilinniartut) misilitsinnerminnut akiliuteqarnissaat pillugu Naalakkersuisut malittarisassanik aalajangersaasinnaapput.

Kapitali 12

Misileraalluni inerisaallunilu suliat

§ 73. Naalakkersuisut immikkut pisoqartillugu inatsit sanioqqussinnaavaat, tamanna misileraalluni sulinissap perorsaanikkullu inerisaanissap siuarsarnissaanik peqquteqarpat. Piumasaqaataavoq misileraalluni sulinerup inerisaanerullu ilinniartut ilinniarnertuutut ilinniakkamik ingerlaqqiffiusumik ilinniarnermut tunngavissatut atornissaanut periarfissaat allatigulluunniit pisinnaatitaaffii

ajornerulersissanngikkaat.

Imm. 2. Naalakkersuisut ilinniartunut ataasiakkaanut tunngatillugu inatsit sanioqqussinnaavaat, immikkorluinnaq ittunik pissutissaqartillugu.

Kapitali 13

Atuuttuulersitsinermi ikaarsaariarnermilu aalajangersakkat

§ 74. Inatsit atuuttuulissaaq 1. august 2012, taamaattoq tak. imm. 3.

Imm. 2. Inatsit atuuppoq ilinniartunut 1. august 2012 kingusinnerusukkulluunniit ilinnialersunut.

Imm. 3. Inatsimmi kapitali 2 ilinniartunngortitsinermit tunngasoq atuutilissaaq 1. januar 2012.

§ 75. Inatsisip atuuttuulerneratigut malittarisassat Namminersorlutik Oqartussanut atatillugu pissutsit assigiinngitsut pillugit inatsit nr. 474, 12. juni 2009-meersukkut atuutsinneqartut atorunnaarsinneqarput.

§ 76. Ilinniartut Kalaallit Nunaanni Ilinniarnertuunngorniarfimmi imaluunniit ilinniarnertuunngorniarfinni inuutissarsiummut sammisuni ilinniarnertuutut inatsisip atuuttuulinnginnerani ilinniartuusut, 2014-imi aasakkut soraarummeernissaaq ilanngullugu, napparsimalluni soraarummeernerit ilanngullugit, malittarisassat maannamut atuuttut Kalaallit Nunaanni ilinniarnertuunngorniarernerit pillugit Kunngip peqqussutaani nr. 108-mi, 17. februar 1992-imeersumi aamma Kalaallit Nunaanni inuutissarsiutitigut ilinniarnertuunngorniarfiit pillugit inatsisip Kalaallit Nunaanni atuuttuulersinnissaat pillugu Kunngip peqqussutaani nr. 787-imi, 20. juni 2006-imeersumi, kiisalu malittarisassani taakku tunngavigalugit suliaasuni, imaluunniit aalajangersakkat taakku tunngavigalugit atuutsinneqartut naapertorlugit, HHX-imi aamma HTX-imi soraarummeernissamut innersuunneqarsinnaapput. Misilitsinnerit soraarummeernerillu aalajangersakkat maannamut atuuttut naapertorlugit ingerlanneqartassapput. Ilinniarnermut pissuserissaarnissamullu malittarisassat rektorip inatsimmi matumani § 55 naapertorlugu aalajangigai, atuutsinneqassapput takkutinngitsoornermut klassimullu qaffasinnerusumut nuunnissamut malittarisassat kisiisa pinnagit.

Imm. 2. Ilinniartunut imm. 1-imi taaneqartunut, aallartinnermilu ingerlatsinernik pilersaarutaasunik malinnaasunut, ilinniartitsineq 2014-imi aasap tungaanut malittarisassat maannamut atuuttut naapertorlugit ingerlanneqassaaq.

Imm. 3. Naalakkersuisut immikut pisoqartillugu ilinniarnertuunngorniarfiit pisinnaatissinnaavaat, soraarummeernermit uppernarsaasiornissamut, misilitsinnernik inatsit manna malittarisassallu maannamut atuuttut naapertorlugit imaqartunik.

§ 77. Ilinniartitsisut inatsisip atuutilernissaa sioqqullugu atorfeqartut, piginnaasariaqartutitigut piunnaasaaqataasut inatsisip atuuttuulernissaata tungaanut atuuttut, piviusunngortissinnaasariaqarpaat.

§ 78. Rektorit, tak. § 62, imm. 1, naggat kingulleq, inatsisip atuutilernissaa sioqqullugu atorfeqartut, piginnaasariaqartutitigut piunnaasaaqataasut inatsisip atuuttuulernissaata tungaanut atuuttut, piviusunngortissinnaasariaqarpaat.

Namminersorlutik Oqartussat, ulloq 22. november 2011

Kuupik Kleist